



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus, Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus, apprimè utile ...

**Monacellus, Franciscus  
Venetiis, 1706**

Gregorii XV. Constitut. IX. De electione Conservatorum.

---

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

- §. 13. Mandat Constitutionem hanc inviolabiliter observari cum Decreto irritanti, & clausula sublata.  
 §. 14. Derogat quibuscumque contrariis clausulis amplissimis.  
 §. 15. Dat formam publicationis.  
 §. 16. Mandat Ordinariis, ut Constitutionem prædictam solemniter publicari faciant.  
 Datum Romæ apud Sanctum Petrum 7. Decembris 1604. Anno Pontificatus tertio decimo. Bullar. tom. 3. pag. 164.

## ADNOTATIONES.

**1** E A quæ pertinent ad validam erectionem Confraternitatum, illarumque institutum, onera, & privilegia adnotavi ad Formul. II. tit. de Edic. & ad Formul. XI. tit. de Licent. hic autem addo:

**2.** Quod Officiales, sed Rectores Confraternitatum pro administratione salarium aliquod recipere non debent, sed gratia officiū fideliter exercere, Gavant. in Manual. Episc. verb. Confraternitates num.

**13.** quem sequitur Franc. de Eccles. Cathe- dr. cap. 25. num. 286.

**3.** Secundò, quod Jurispatronatus spe- cians ad Confraternitatem laicalem, di- citur laicale, nec cadit sub reservationibus Nicol. lucubr. Can. lib. 3. tit. 38. n. 1. vers. Præterea.

**4.** Tertiò, quod Confraternitates, & cætera loca pia tenentur contribuere pro virtualibus Visitatoris, Sac. Congr. Concilii in Bojanen. 14. Decembris 1654. pro rata exceptis Hospitalibus, ut declaravit partibus auditis altera Sac. Congreg. Episcoporum in Civitatis Castellanae 28. No- vembri 1687. Et non obstante consuetu- dine contraria non contribuendi, ut ite- rùm partibus auditis declaravit Sac. Cong. Concilii in Signina 2. Augus. 1670.

**5.** Quod Cappellani Confraternitatum non debent ab Episcopo sine causa amove- ri reluctantibus Confratribus, ut censuit Sac. Congr. Episcop. in Foro Emporien. 3. Octobris 1692.

## Gregorii XV. Confit. IX.

## De electione Conservatorum.

## SUMMARIUM.

- 1 Conservatores Regularium non possunt erigere Tribunal.
- 2 Conservatores Societatis Jesu, & Religionis Hierosolymitanæ sunt Judices.
- 3 Conservatores non possunt subdelegare seu alium substituere.
- 4 Conservatores non possunt recusantes solvere Decimas compellere.
- 5 Conservatores Regularium, si sint Presbyteri Seculares, tam in Civilibus, quam in Criminalibus subjiciuntur loci Ordinario.
- 6 Conservatores possunt allegari suspecti.
- 7 Conservatores non procedunt in causis injuriarum notoriarum, nisi praecedenter eis constet per probationes.
- 8 Referuntur resolutions Congregatio- nis Deputatæ de anno 1648. circa facultates Conservatorum, & n. 10. 11. 12. 13. 14. 15. & 16.
- 9 Vicarii Generalis Episcopi, & Capi- tuli eligi possunt in Conservatores.

## GREGORIUS EPISCOPUS &amp;c.

S Antissimus &c.

§. 1. Revocavit, ac nullas, & invalidas decrevit omnes, & quascumque Judicium Conservatorum electiones, nominationes, seu deputationes tam in vim litterarum Conservatoriarum juxta formam in quinto Cancellariae scriptam, quam in vim quorumcumque privilegiorum perpetuo, vel ad tempus nondum elapsum, A postolica auctoritate concessorum, seu alias quotcumque iure, vel titulo hactenus factas pro quibuscumque Conventibus, Capitulis, Militiis, etiam Sancti Joannis Hierosolymitani, Congregationibus, Collegiis, Ordinibus, Monasteriis, Hospitalibus, aut aliis quibusvis prius tam Secularibus, quam cuiusvis Ordinis, etiam Mendicantium, seu Instituti, vel Societatis Regularibus, locis quantumvis exemptis, etiam de necessitate exprimendis, seu illorum personis cuiusvis qualitatis, seu conditionis existant.

§. 2. In futurum vero Sanctitas Sua hac generali, & perpetuo valitura Constitutione statuit, & decrevit, ut Judices Conservatores hujusmodi, sive principales, sive subrogati, eligi, nominari, aut deputari non possint, nisi non solum habeant qualitates requisitas, & descriptas in Constitutione simil. record. Bonifacii Papae VIII. etiam Praedecessoris sui, quae incipit: Statutum ita vel Dignitate Ecclesiastica praediti, vel personatum obtinentes, vel Ecclesiarum Cathedralium Canonici existant: Sed etiam in Conciliis Provincialibus, aut Dioecesanis, juxta Decretum Concilii praediti, Judices electi, seu designati sint.

§. 3. Quodque deinceps littera Conservatoria per Sedem A postolicam concedendae supra scriptis tantum dirigantur, & si quae litterae aliter expedientur, illae, ac deputationes hujusmodi, omniaque exinde sequenda nullius sint roboris, vel momenti.

§. 4. Et nihilominus, qui secus, quam juxta formam superioris praescriptam, Conservatores hujusmodi cum effectu eligere, nominare, seu deputare, aut electis, nominatis, seu deputatis uti ausi fuerint, Regulares quidem voce activa, & passiva sint ipso iure privati, adeo ut habitationem a nemine, praeterquam a Romano Pontifice consequi valeant; reliqui vero aliis poenis arbitrio Sanctitatis Suae coercentur, & praedictorum omnium Conventus, Monasteria, ac loca hujusmodi, eorumque personae, ac bona careant Conservatore ad annum, ita ut illorum Causae, interea coram locorum Ordinariis dumtaxat cognosci, ac diffiniri debeant.

§. 5. Ceterum, ut latius pateat Conservatorum hujusmodi diligendorum facultas, Sanctitas sua admonitos voluit omnes locorum Ordinarios, ut in Synodis Provincialibus, aut Dioecesanis quamplures personas ex habentibus qualitates in praedicta Constitutione ejusdem Bonifacii Praedecessoris contentas, & aliquin ad id aptas designari procurent, & si aliquem interim ex designatis mori contigerit, substituat Ordinarius loci cum consilio Capituli alium in ejus locum, usque ad futuram Provincialem, aut Dioecesanam Synodum.

§. 6. Insuper Sanctitas Sua inhærendo hac in parte Decreto similis recordationis Gregorii Papae XIII. etiam Praedecessoris sui, statuit, & ordinavit, ut Regulares, ac personae hujusmodi in Italia infra duos, extrâ Italiam vero infra:

infra sex menses à die publicationis in Urbe presentis Constitutionis inco-  
handos debeant sibi eligere, seu assumere Conservatores juxta formam su-  
periùs propositam.

§. 7. Ejusque electionis, seu assumptionis documentum infra tempus hujusmo-  
di penè Aëta Curiæ Ordinariorum exhibere, & dimittere teneantur, alioquin  
eo termino elapsò, quam diù Conservatores secundum formam præsentis Con-  
stitutionis non elegerint, coram eisdem Ordinariis convenientantur.

§. 8. Quodque Conservatores hujusmodi semel legitimè deputati, nisi ex legitimi-  
ma causa à Sede Apostolica, aut locorum Ordinariis, prout iisdem Regulari-  
bus, & aliis supradictis libuerit, approbanda, durante quinquennio à die de-  
putationis, amoveri, aut mutari nullatenus possint, aut valeant.

§. 9. Ad hæc statuit Sanctitas Sua, ut coram ipsis Conservatoribus Regulares,  
ac personæ suprascriptæ conveniri quidem, aut trahi debeant, sed alios conveni-  
re, aut trahere non possint, ita ut memorati Conservatores in causis, in quibus  
Regulares, & alii actores fuerint, nullam prorsus jurisdictionem habeant, sed  
iis tantum, in quibus rei extiterint, neque extra Civitates, seu Diœceses, in  
quibus fuerint deputati, contrà quoscumque procedere præsumant.

§. 10. Si qua verò inter Judices Conservatores hujusmodi, & locorum Ordina-  
rios controversia super competentia jurisdictionis orta fuerit, nequaquam in  
causa procedatur, donec per Arbitros in forma juris electos super jurisdic-  
tio-  
nis competentia fuerit judicatum.

§. 11. Quod si qui Conservatores sive in hac parte, sive alias quomodolibet suos  
limites excesserint, per annum ab officio Conservatoris hujusmodi suspensi  
fint, & pars, quæ hoc procuraverit, sententiam excommunicationis  
incurrat juxta formam alterius Constitutionis ejusdem Bonifacii Prædecesso-  
ris, quæ incipit: *Hac Constitutione;* quam Sanctitas in omnibus, quæ præ-  
senti Constitutioni non adversantur, innovavit, & innovat.

§. 12. Per hoc tamen non intendit Sanctitas Sua prohibere, quominus Regula-  
res, & alii supradicti in causis à jure permisis petant Judicem non suspectum  
à Principib⁹, seu Magistratibus secularibus; dum tamen hæc tria copulativè  
concurrent: Videlicet, ut Regulares, & alii sint actores, non autem rei; ut  
que agant contra Laicum, non autem contra Ecclesiasticum, vel alias à juris-  
dictione seculari exemptum; atque ut causa, in qua Judex deputatur, fuerit  
prophana, non autem Ecclesiastica, & in ea juxta Sacrorum Canonum dispo-  
sitionem, Laicus, ut præfertur, eligendus, Judex competens existat.

§. 13. Observantiam præmissorum præcipit cum Decreto irritanti.

§. 14. Contrariis quibuscumque plenissimè derogat, (¶ sequitur publicatio.)  
Datum Romæ 20. Septembris 1621. Pontificatus nostri anno primo, Bullar.  
tom. 4. pag. 80.

## Sequitur Dubium super dicta Constitutione exortum cum sua declaratione.

**I**N Constitutione de Conservatoribus edita san. mem. Gregor. XV. ex senten-  
cia Sacr. Congr. Concilii inter cætera statutum est, ut coram Conservatori-  
bus

bus Regulares conveniri quidem, aut trahi debeant, sed alios convenire, aut trahere non possint, ita ut memorati Conservatores in causis, in quibus Regulares, & alii actores fuerint, nullam prorsus jurisdictionem habeant, sed in iis tantum, in quibus rei extiterint.

Dubitur nunc: An per haec verba sublata sit facultas, quam habent Conservatores defendendi Regulares, & alios à manifestis injuriis, & violentiis, quæ illis de facto inferuntur, dum à suis possessionibus dejiciuntur, & propriis bonis uti, ac frui impediuntur.

Sacra Congreg. Card. Concilii Trid. Interpretum censuit ejusmodi verbis minime sublatam suissè facultatem, quam habent Conservatores defendendi Regulares à manifestis injuriis, ac violentiis; dummodo obseruent formam præscriptam in Constitutionibus Innocentii IV. & Bonifacii VIII. relatis in c. I. & final. de offic. deleg. in 6.

G. Card. de Torres.

Prosper Fagnanus Sac. Congreg. Secretarius.

#### ADNOTATIONES.

1. Conservatores deputati ad formam hujus Constitutionis, Tribunal tenere, seu erigere non possunt, quia eorum potestas versatur circa extrajudicia, & ut compescant volentes opprimere privilegiatos; possunt tamen Notarios quoties his opus habent assumere sibi bene visos, Card. de Luc. de jurisd. discurs. 4. nu. 14. ubi post nu. 2. refert Decretum Sacr. Congreg. Concilii emanatum in una Faventia 17. Decemb. 1667.

2. Conservatores tamen Religionis Societatis Jesu, & Hierosolymitanæ, quæ habent Indulta ampliora, nec revocata, nisi in ea parte, & causis, in quibus sunt Actores, dicuntur Judices, quia habent facultates cognoscendi omnes causas, in quibus hujusmodi Regulares sunt rei, ut firmat de Luc. de Regular. disc. 51. n. 1. 2. & 15. & disc. 52. n. 11. & de jurisd. disc. 49. n. 7.

3. Conservatores Regularium subdelegare, seu alium substituere non possunt, ut dicit idem Cardin. de Luc. de Regular. disc. 1. num. 33. vers. hujusmodi, Nicol. lucubr. C in lib. 1. tit. 29. nu. 13. except. 3. nisi in litteris per Papam id expresse eis concedatur, Tondat. de prævent. part. 2. cap. 59. num. 23.

4. Conservatores non possunt recusantes solvere Decimas compellere, quia in his, quæ judicialem discussionem, & in-

daginem requirunt, non possunt se ingredi, sed coram Ordinario Débitores convenienti sunt, cum hic non agatur de manifesta injuria, & violentia, ad quas restringitur eorum delegatio, Nicol. ibid. except. 10.

5. Conservatores quando sunt Presbyteri sæculares, tam in Civilibus, quam in Criminalibus, seu mixtis subjiciuntur loci Ordinario, ut absolute respondit Sac. Congreg. Concilii in Faventia 17. Decemb. 1667. ad quartum apud Card. de Luc. de jurisd. disc. 4. num. 2.

6. Conservatores licet procedant solum in causis notoriis injuriarum, adhuc allegari possunt suspecti, & recusari, ut firmat Barbof. de Offic. & Potest. Epist. alleg. 106. num. 32. nisi notorium eslet permanens, Patqualig. ad Lauret. de Franch. controv. par. 1. nu. 851. ubi quod ubi casus contingat eligendi sunt Arbitri, qui judicent de causis suspicionis, Concil. Trid. sess. 14. cap. 5. de Reform.

7. Conservatores in forma communis constituti non possunt procedere, neque in causis injuriarum notoriarum, nisi in primis saltem summarie ipsis constet de ista qualitate fundante eorum jurisdictionem, per probationes etiam per ipsosmet receptas, Tusch. litt. C. conclus. 760. nu. 3. & 4. quem falsò in alio loco citat Tondat. de prævent. par. 1. cap. 59. nu. 8. vers. Verissimum.

8. Præ-

8. Præterea quia de hac Conservatorum materia prodierunt nonnullæ declarationes Congregationis specialiter deputatæ ab Innocent. X. de anno 1648. inter Episcopum Angelopolitanum, & PP. Societatis Jesu, quas resert per extensum Tondut. de prevent. part. 3. cap. 3. hic eas addere ad ornatum non piguit, in qua causa ex parte Episcopi querebatur.

9. PRIMO. An in casu quo Episcopus præcipiat Decreta aliqua Concilii Tridentini à Regularibus observari, & executio- ni demandari, Regulares quicunque etiam Societatis Jesu, sub pretextu, quod hujusmodi præcepta infringant sua privilegia, possint eligere Conservatores; Con- gregatio respondit, si Episcopus præcipiat Regularibus etiam Societatis Jesu, ut De- creta aliqua Concilii Tridentini obser- vent, ac exequantur, illis casibus, in qui- bus per ipsum Concilium, vel Constitu- tiones Apostolicas, Regulares exempti subjiciuntur jurisdictioni, & correctioni Episcopi, minimè licere ipsis Regularibus ob- eam causam Conservatores eligere.

10. SECUNDO. An quando Ordinarius procedit juris ordine servato adver- sùs Regulares prædictos, in casibus, in quibus per Concil. vel Constitutiones A- postolicas ipsi subjiciuntur, possint Conservatores Judices assignare? Ut ad proxim- um non posse.

11. QUINTO. Utrum Constitutio fel. rec. Gregor. XV. circa Conservatores Regularium publicata anno 1621. cum declarationibus Em. Sac. Congr. Concil. Trident. Interpretum desuper editis, que afficiat, & comprehendat Religiosos Soc. Jesu, ac reliquos Regulares, ita ut omnia alia prædictæ Societatis privilegia fuerint reducta ad terminos dictæ Constitutionis &c. Respondit, hujusmodi Constitutionem cum declarationibus, ut praetenditur, edi- tis, æquè afficer Religiosos Soc. Jesu, atque aliorum Ordinum, & Conservatores ad illius præscriptum esse eligendos, non ob- stantibus quibusvis privilegiis, quippe que omnia sunt redacta ad terminos ipsius Con- stitutionis.

12. SEXTO. An Regulares prædi- cti gravati esse alieno, vel ad ratiocina- nia, vel Testamentorum Executores,

possint conveniri coram Ordinario, si Conservatores non nominaverint intra tempus habile ab Ordinario præscriptum Respondit, Regulares in causis prefatis co- ram Ordinario loci esse convenientes, si ad præscriptum Constitutionis san. mem. Grego- rii XV. Conservatores non elegerint ipsum- que electionis documentum intra præsumptiu- tempus in actis Curiae ipsius Ordinarii non exhibuerint.

13. DECIMOTERTIO. An Conservatores nominati, & electi à Regularibus prædictis ante exercitium sue jurisdictionis, teneantur electionis authenticum documentum exhibere coram Ordinario sub pena nullitatis actuum? Respondit, Utique teneri.

Ex parte autem Religiosorum Soc. Jesu inter alia plura, (quo ad Conservatores) proponebatur.

14. SEPTIMO. An facultas eligendi Conservatores concessa Societati à Grego- rio XIII. suffragetur in illis locis, in quibus non adiungit Judices Synodales. Respondit, Ubi non adiungit Judices Synodales, prævi- gium Gregorii XII. quo ad hoc ut Societas non teneatur ex illis eligere Conservatores, dummodo tamen in reliquis servetur forma Con- stitutionis Gregor. XV. bac de re editæ.

15. OCTAVO. An Conservatores Societatis, Vicarios generales Episcopo- rum auctoritate Apostolica, per senten- tias, censuras, & penas Ecclesiasticas compellere possint virtute Bullæ Gregorii XII. &c. Respondit, Posse à manifestis in- juriis, & violentiis eos compescere etiam censuris, & penis Ecclesiasticis. Datum Rome 16. Aprilis 1648.

16. Hæc ibi de Conservatoribus; cæ- tera enim dubia in dicta Causa proposita, ac refoluta, tamquam ad rem nostram non pertinentia, consultò omissa sunt: omnia tamen in forma specifica per Innoc. X. approbata fuere, ut ibi Tondut. testa- tur, productione Brevis.

17. Episcopi, eorumque Vicarii pos- sunt eligi in Conservatores Regularium: sicuti & Abbates Ordinis Regularium, qui in Synodis fuerunt Judices designati Barbol. in Summ. decif. Apofol. collect. 216. num. 14. & 15. Nicol. lucubr. can. lib. 1. tit. 29. num. 11. Et quod possit eligi etiam

etiam Vicarius Capituli Sede vacante, tenet Ricc. var. ref. tom. 2. resol. 349. num. 3. aliaque plura videoas apud Gavant. Manual. Episc. verb. Conservator.

Gregorii XV. Constit. XVIII.

De exemptorum privilegiis, & subjectione.

S U M M A R I U M .

1 Regulares tenentur in eorum Ecclesiis retinere Lampadem collucentem an-

te Altare Sacramenti, nec suppletur per Lampadem, quæ retinetur in Choro, & n. 2.

3 Regulares coguntur ab Episcopo ad extquendam Testatoris voluntatem, etiam si Testator prohiberet rationem ab eis exigi.

4 Et quamvis Testator disponeret per verba facultativa, seu deprecativa.

G R E G O R I U S E P I S C O P U S &c.

I Nscrutabili &c.

§. 1. Sanè Tridentinæ Synodi Decretis providè cautum est nullum Presbyterum etiam Regularem posse Confessiones sacerdotalium, etiam Sacerdotum audire, nec ad id idoneum reputari, nisi aut Parochiale beneficium habeat, aut ab Episcopis per examen, si illis videbitur esse necessarium, aut alias idoneus judicetur, & approbationem, quæ gratis detur, obtineat.

§. 2. Nec non ut in Monasteriis, seu Domibus virorum, seu mulierum, quibus imminet animarum cura personarum sacerdotalium præter eas, quæ sunt de illorum Monasteriorum, seu locorum familia, personæ, tam Regulares, quam sacerdtales ejusmodi Curam exercentes subsint immediate in his, quæ ad dictam Curam, & Sacramentorum administrationem pertinent, jurisdictioni, visitationi, & correctioni Episcopi, in cuius Diœcesi sunt sita. Itemque, ut Episcopi universi sub obtestatione Divini judicii, & interminatione maledictionis æternæ in omnibus Monasteriis sibi subjectis ordinaria, in aliis verò Sedis Apostolicæ auctoritate Clausuram Sanctionalium ubi violata fuerit diligentiter restitui, & ubi inviolata est conservari maximè procurent; inobedientes, atque Contradictores per Censuras Ecclesiasticas, aliasque poenas, quacunque appellatione postposita compescentes.

§. 3. Atque ut Regulares in Ecclesiis suorum Ordinum prædicare volentes, se coram Episcopis præsentare, & ab eis benedictionem petere teneantur; in Ecclesiis verò quæ suorum Ordinum non sunt, nullo modo prædicare possint sine Episcopi licentia: contradicente autem Episcopo nulli, etiam in suorum Ordinum Ecclesiis, prædicare præsumant.

§. 4. Verùm quia experientia compertum est, Ecclesiastici regiminis rationem postulare, ut decretis ejusmodi aliquid adjungatur: matura deliberatione nostra, & ex certa scientia, ac de Apostolicæ potestatis plenitudine, hac generali, ac perpetuò valitura constitutione decernimus, statuimus, & declaramus, ut deinceps tam Regulares, quam sacerdtales, quomodolibet exempti, sive animarum curam personarum sacerdotalium Monasteriis, seu Domibus Regularibus, sive sacerditalibus incumbenter exerceant, sive alias Ecclesiastica Sacra-

men-